

奉天通志卷一百七十七

人物五 勳閥

勳閥五

清四

張存仁

夏成德

李國英

覺善

譚拜

鄂碩

羅碩 鄂爾多

敦拜

哈寧阿

碩詹 明達寶色

劉之源

張大猷

白爾赫圖

路什 布納海

瑚里布

達理善

王一屏

子國光

穆成額

畢力克圖

胡有陞

譚泰

朱延禧

上戎 貞祥

索尼

蘇克薩哈

遏必隆

尹德

圖海

奉天通志

卷一百七十七

人物五 勳閥五 清四

一

賚塔

孫得功

孫有光

孫思克

宜理布

擴爾坤

穆赫林

米思翰

李榮保

朋春

費揚古

高其倬

佟國維

隆科多

修玉柱

馬齊

富良

馬武

鄂倫岱

子補熙

年羹堯

年希堯

傅爾丹

慶復

王世選

宜兆熊

查克丹

欽拜

訥親

傅恆

福靈安

福隆安

豐紳濟倫

福長安

傅清

拉布敦

班第 巴祿

納穆扎爾

三泰

兆惠

阿里袞

豐昇額

布彥達賚

舒赫德

舒常

清四

張存仁 遼陽人明寧遠副將從祖大壽出降太宗仍授副將崇

德元年始設都察院以存仁爲承政授世職一等梅勒章京

副都

統屢上書言事皆嘉納之既克錦州存仁請招吳三桂降順治

元年從入關與葉臣率師徇山西克太原又從多鐸略河南下
江南督所部以礮戰屢有克捷二年從博洛定浙江領浙江總
督兵後民流亡存仁集士紳使撫諭民復其所疏請速遣提學
開科取士免積逋減額賦使讀書者希仕進力田者追追呼則
莫肯相從爲逆得旨謂誠安民急務令新定諸行省皆準施行
授兵部右侍郎總督浙江福建馬士英方國安窺杭州遣王定
國等率師禦之斬國安子士衍士英復以兵至去杭州十里爲
壘存仁與總兵官田雄追擊之尋復以兵至存仁與李什哈及

奉天通志

卷一百七十七

人物五 勳樹五
清四

二

雄等帥師擊之敵溺江死者無算敵復屯赭山掠朱橋存仁與
朱瑪喇等分兵與戰國安所將水師數萬人殲焉又遣將破敵
太湖獲士英等戮之疏請設水師五千備錢塘江禦海寇自至
浙江屢以疾乞休至是始得請六年起授兵部尙書兼右副都
御史總督直隸山東河南三行省巡撫保定諸府提督紫荆諸
關兼領海防盜發榆園爲大名諸縣害存仁聞歸德侯方域才
貽書咨治盜策用其計盜悉平上令疆吏考校諸守令以文藝
最高下存仁出按諸府縣廉能吏有一二語通曉卽注上考非
然者文雖工亦乙之曰上命我校文我第考實文有僞實難欺
也累進一等精奇尼哈番子一等卒贈太子太保諡忠勤祀直隸
山東河南浙江福建五行省名宦乾隆初定封三等子

清史
四傳

夏成德 廣寧人明爲松山城守副將洪承疇被圍成德使其弟

景海通款以松山降隸正白旗漢軍順治初授三等昂邦也大章

京其弟景海授一等甲喇章京領參出爲山東沂水縣總兵乾隆

初定封三等子清史傳十四

李國英 奉天人隸漢軍正紅旗順治三年從肅親王豪格討張

獻忠凱旋留鎮保順間勦平餘賊代王遵坦爲巡撫治兵閩中

勸農桑備戰守禮賢興學士民始復業十四年總督川陝大興

屯田軍儲以足俸糈所入盡以餉士康熙元年明石泉王奉鎰

攻敘州國英討平之時李自成舊將郝搖旗等據茅麓山出掠

四川湖廣陝西錯壤諸州縣議三省合軍討之國英疏言賊巢

橫據險要宜豫會師期分道並入使賊三路受敵可盡殲上命

奉天通志 卷一百七十七

人物五 勳閩五 清四

三

將軍穆里瑪圖海將禁旅討之國英與西安將軍富喀禪副都

統都敏會勦全川底定疏請裁留通省兵四萬五千名以馬二

步一戰守各半定額從之五年卒諡勤襄追敘勦賊功晉二等

男入祀賢良祠孫永陞襲職世宗念國英前勞擢至工部尙書

卒從子時敏襲乾隆初定封一等男清史傳十七

覺善 李佳氏滿洲正紅旗人世居薩爾濟嗣父職牛录額真領佐

滅葉赫克藩陽遼陽皆在行間從太宗伐明守灤州明兵來攻

發石壞城堞覺善力禦明兵不能登凡五敗明兵從濟爾哈朗

攻寧遠進攻前屯衛督右翼兵奮擊大破之遂克其城順治元

年從入關擊李自成覺善創於礮仍奮擊戰山東土寇擾恩縣

齊河平陰諸縣命覺善兵討之斬其渠其衆萬餘殲焉從大將

軍譚秦討金聲桓七月師薄南昌至六年正月克之移師討叛將李成棟攻信豐督所部樹雲梯先登拔其城累進三等精奇尼哈番以老病乞罷康熙三年卒諡敏勇乾隆初定封三等男

清史傳二十八

譚拜 他塔喇氏滿洲正白旗人天聰五年以牛叅額眞從伐明

九年從伐察哈爾收降人遂伐明代州累功進三等甲喇章京

參領順治初入關擢兵部尙書尋從豪格西討張獻忠道陝西與

瑪喇希等擊敗叛將賀珍下四川屢破獻忠兵復與李國翰渡

涪江敗獻忠將袁韜調吏部尙書旋殲獻忠入關後世職四進

至二等阿思哈尼哈番二等男七年卒子瑪爾塞孫多奇輝降襲

三等乾隆初定封三等男清史傳二十八

奉天通志 卷一百七十七

人物五 勳閥五 清四

四

鄂碩 棟鄂氏滿洲正白旗人祖掄布父錫罕伐朝鮮戰歿進游

擊鄂碩襲世職從伐明自朔州至崞縣斬邏卒自平魯衛出邊

明兵邀戰鄂碩與圖爾格擊卻之崇德元年與勞薩將百人偵

明邊又從伐明白界嶺口入邊敗明總督范志完軍於豐潤遂

越明都趨山東師出邊明總兵吳三桂邀戰復擊之潰順治初

從入關逐李自成賊據潼關以山爲寨鄂碩與努山攻拔之移

師南征鄂碩先驅至睢寧敗明兵復與巴牙喇蘇章京護軍統領哈

寧阿克湖州十三年擢內大臣世職累進一等精奇尼哈番卒

贈三等侯諡剛毅清史傳二十八

羅碩 鄂爾多 羅碩鄂碩兄也初授刑部理事官從入關姜瓖叛

犯太原從端重親王博洛破賊壘其徒圍絳州擾浮山迭戰勝

之擢工部侍郎累進世職一等阿思哈尼哈番康熙四年卒鄂爾多羅碩孫初授侍衛累遷至侍郎擢尙書歷兵戶吏三部卒

諡敏恪

清史傳二十八

敦拜 富察氏滿洲正黃旗人嗣父本科理職牛彖額眞從太祖攻寧遠先驅敗城兵師還敵騎追射敦拜還擊卻敵殿而歸崇德年師再圍錦州敦拜禦敵力戰有功順治元年從入關擊李自成二年豫親王下江南薄明南都至蕪湖與阿爾津圖賴等截江口擊破明將黃得功得明福王以歸又歷從博洛自浙江徇福建從譚泰討金聲桓攻九江勦畿南土寇斬其渠寶坻諸縣悉定明將李定國犯廣東命佐將軍珠瑪喇討之克新會逐之橫州江岸定國引去師還進世職一等精奇尼哈番加太子

奉天通志

卷一百七十七

人物五 勳隨五 清四

五

太保十四年起爲盛京總管卒諡襄壯乾隆初定封一等男富察之族有哈寧阿碩詹濟席哈費雅斯哈皆以武功顯

清史傳二十九

哈寧阿 父阿爾圖山歸太祖授牛彖額眞既復分其衆別編一牛彖以命哈寧阿從貝勒岳託等略錦州攻松山杏山高橋諸臺堡戰甚力從攻大凌河又從攻大同先驅至小西城樹雲梯以攻克之崇德元年從攻皮島二年授議政大臣嗣以論罪當死上一再貸之六年從圍錦州進攻松山屢敗敵八年伐虎爾哈部俘獲無算師還上厚賚之順治元年從入關擊李自成戰慶都再戰眞定逐賊綏德徇延安戰破城兵南逐自成戰安陸復與譚泰合兵下江南逐敵至富池口復擊敗之從肅親王豪格討叛將賀珍取漢中逐賊至秦州珍黨武大定據三寨山哈

寧阿與阿拉善等將六百人破壘入賊自投崖下斬殺略盡進討張獻忠徇夔州茂州資州遵義皆下進一等阿達哈哈番

清史

十傳二

碩詹

達色

明寶

舒穆祿氏歸太祖授牛录額真卒碩詹嗣天

聰五年與甲喇額真杭什木沙爾虎達等略明邊崇德元年從伐朝鮮攻江華島碩詹舟越朝鮮戰艦繼阿哈尼堪以登率衆合圍降其城順治元年從入關上將遷都燕京命碩詹統右翼兵留守盛京尋復命與多鐸南征自河南徇陝西遂移師定江南五年從濟爾哈朗征湖南出湘潭明兵阻橋立寨與伊拜覺羅果科共擊下之累進世職一等阿思哈尼哈番卒諡明敏以其孫達色法色分襲世職達色以參領從征福建戰屢捷鄭錦

奉天通志

卷一百七十七

人物五 勳閥五 清四

六

將劉國軒犯海澄達色赴援冒槍礮力戰聞城陷自經死法色兼襲子明寶雍正間從征西藏有功進三等精奇尼哈番乾隆初改三等子子德成降襲三等男

清史傳二十九

劉之源 漢軍鑲黃旗人授甲喇額真崇德五年從攻錦州圍松山塔山攻中後所前屯衛屢發礮墮其城順治元年從入關命與李國翰勦定畿南餘寇從葉臣等西征克太原又與巴哈納自汾州逐寇至平陽與國翰合師破應山遂徇湖北五年授定南將軍從鄭親王再下湖廣攻湘潭明總兵何騰蛟分三隊出戰之源分兵應之敗明兵克其城獲騰蛟進克寶慶八年與金礮駐防杭州明大學士張肯堂與張名振擁魯王屯舟山之源與總督陳錦總兵田雄合師攻之破明兵於橫水洋進逼螺頭

門肯堂等自焚死名振以魯王遁三盤島之源遣總兵馬進寶等追擊破之論功進三等精奇尼哈番旋授鎮海大將軍駐防鎮江康熙三年召還仍任都統四年以病乞休加太子太保致仕以其子光代爲都統卒子光襲乾隆初定封三等男清史傳

張大猷 漢軍鑲黃旗人初隸遼陽以千總自廣寧來歸授牛彖額眞天聰初明邊將遣謀招新附之衆大猷發其事太宗嘉之予世職游擊順治元年從葉臣徇山西克太原與李國翰撫定諸縣師定江南與吳守進下浙江克嘉興命與巴山率兵鎮守江寧總管漢軍及綠旗兵旋授提督江南總兵官論功進世職六年同討張福寰總督馬國柱奏大猷功第一進世職三等精奇尼哈番九年卒三傳降襲三等阿思哈尼哈番乾隆初定封

奉天通志

卷一百七十七

人物五 勳閥五

七

三等男

清史傳

白爾赫圖 由壯達授兵部理事官崇德間屢從征有功擢噶布

什賢章京

前錄

順治元年入關敗李自成將唐通復從多鐸西

勦流寇克潼關徇蘇州略定浙閩五年大破賊於湘潭平寶慶武岡累功擢噶布什賢噶喇依昂邦

前錄

統領十五年從征貴州屢

陷陣進克雲南逾年率兵取永昌敗李定國遂克騰越州明桂王等遁入緬甸白爾赫圖留駐雲南李定國入犯約降將高應鳳內應誘元江土司那嵩叛白爾赫圖往勦斬應鳳那嵩自焚死十八年與愛興阿會師木邦緬人獻由榔至軍中康熙元年班師進一等阿思哈尼哈番後因其族兄蘇克薩哈株連被禍八年追復官職尋其子爲父訟冤詔優敘晉三等精奇尼哈番

諡忠勇清史十六傳

路什布納海

納喇氏滿洲鑲黃旗人路什以驍勇稱崇德七年

以雲梯攻城先登克克州賜號巴圖魯予世職游擊順治初從入關與阿喇善攻綏德圍延安七戰七克復與鼇拜追破賀珍於楚湖入四川所向皆克進三等阿思哈尼哈番三等男師入貴州擊敗敵敘功進二等吳三桂反路什年已七十請從征遂從尙善徇湖南康熙十七年以偏師取湘陰進洞庭湖守九馬嘴寇至風大作舟被擊路什猶賈勇發矢石擊殺數十人力竭死事聞進一等兼拖沙喇哈番子布納海襲聖祖征噶爾丹布納海從費揚古出西路戰昭莫多師有功進三等精奇尼哈番卒

子瑚什屯降襲清史十六傳

奉天通志

卷一百七十七

人物五 勳閥五 清四

八

瑚里布 赫舍里氏滿洲正紅旗人襲父吳巴海世職牛叅額貢天聰間擢侍衛噶布什賢章京屢從征伐順治元年率正紅旗前鋒兵從阿濟格討李自成師次綏德賊乘間掠馬瑚里布追及之以所掠馬歸又破賊得其戰艦遂自成至九宮山五戰皆勝三年從豪格討張獻忠與席卜臣率前鋒先驅薄其壘師繼進遂殲獻忠復與準塔下遵義戰璧山又從征湖廣攻湘潭徇衡州皆有俘馘以功進世職三等阿思哈尼哈番累擢副都統前鋒統領十五年從多尼南征明桂王走緬甸與白爾赫圖率兵趨永昌克騰越窮追至緬甸康熙十二年加恩諸舊將瑚里布加少師吳三桂反改授護軍統領副赫葉率禁旅自西安進十三年與穆占馳援四川克陽平關破七盤朝天二關進攻保

寧王輔臣叛命瑚里布引兵自漢中還駐西安又從洞鄂克秦州進圍平涼久不下卒於軍清史傳四十五

達理善 那木都魯氏滿洲正黃旗人崇德間隸驍騎營從征明攻濟南樹雲梯以登克其城賜號巴圖魯復從圍錦州戰松山杏山屢破敵順治三年從珠瑪喇駐防杭州屢戰明將方國安皆捷又從討金聲桓復南昌授甲喇額真十五年從征雲南克元江累進世職康熙十三年王輔臣叛命署本旗副都統率師赴西安輔臣屯平涼達理善與前鋒穆占共擊之高鼎蔡元敗走連克關山關東關叛將吳之茂以萬人援平涼逼秦州立寨城寇八千餘出應時達理善已病猶督兵力戰大破賊尋卒諡武毅事定敘功上諭達理善以老乞休復請從軍盡心效力卒

奉天通志

卷一百七十七

人物五 勳陶五 清四

九

於行間加拖沙喇哈番合爲二等阿思哈尼哈番清史傳四十五

王一屏

子國光

完顏氏先世滿洲一屏與金玉和同降授牛彘

額真

領佐

隸漢軍正紅旗授世職三等甲喇章京

領參

子國光襲職

從濟爾哈朗伐明克前屯衛中後所二城順治初從和洛輝禦寇西安復從討姜瓖克汾州四城敘功累進一等阿思哈尼哈番男一等十年從屯齊征湖廣擊敗明將李定國孫可望又從伊爾德援浙江擊敗鄭成功張名振授兩廣總督上獎其才品賜蟒服鞍馬加太子太保以疾解任聖祖卽位授鎮海將軍鎮潮州與平南王尚可喜討叛將蘇利環攻碣石拔之斬蘇利殲其餘黨卒諡襄壯子永譽襲爵另有傳清史傳十八

穆成額

那木都魯氏滿洲鑲紅旗人父富喀禪西安將軍有勳

勞授三等精奇尼哈番穆成額襲耿精忠叛命署副都統從希爾根下江西分守南昌三桂自長沙遣將犯袁州與總兵趙應魁赴援敗賊復其城遂克安福精忠將劉進忠構鄭錦擾瀕海上先後命尼雅翰舒恕率兵赴廣東以穆成額參贊軍務克始興克萬安南康頻有功廣東定從莽依圖下粵西三桂遣將分犯潯州梧州桂林平樂與額楚勒貝傅宏烈併力討之次鬱林戰失利還守藤縣尋復陷坐免官

清史傳四十五

畢力克圖 博爾濟吉特氏蒙古正藍旗人太宗時從伐朝鮮攻明錦州並有功順治初拔揚州下江寧以戰績著擢副都統攻太平穴地燃火藥墮城擒李廷泰從下廣東戰敗李定國累進三等阿思哈尼哈番康熙八年擢蒙古都統列議政大臣加少

奉天通志

卷一百七十七

人物五 勳閹五 清四

十

師王輔臣叛授平逆將軍帥師駐大同進駐榆林連擊敗賊下綏德乘勝克延安移師會阿密達攻平涼斬郝天祥十五年屯寧夏輔臣降圖海議取漢中畢力克圖與鄂伯濟哈等分道入以次降靈臺華亭崇信諸縣克成縣十九年徵還仍任都統卒諡恪僖孫常遠襲職二十五年追錄陝西軍功進二等阿思哈

尼哈番

清史傳四十一

胡有陞 錦州人睿親王率師攻錦州有道人崔應時者與州民張紹禎秦永福等謀以城降使有陞持書詣師期內應明將訶知之執應時等下獄有陞與紹禎等脫走來歸各賜冠服鞍馬妻室奴僕授世職有陞隸漢軍鑲黃旗屢從征伐進二等梅勒章京順治四年授南贛總兵金聲桓王得仁以南昌叛犯贛州

圍三月糧匱有陞出戰得仁敗走未幾李成棟復來攻有陞大破之士寇劉飛龍等負固爲亂有陞與巡撫劉武元分遣諸將次第討平之敘功加右都督進世職三等精奇尼哈番尙可喜耿繼茂疏論有陞功復加太子少保康熙三年武元子瀆疏請加敘守贛州功復進一等九年卒子啓泰襲乾隆初定封一等

男清史傳

譚泰 揚古利從弟也初授牛永額眞從太宗伐明克保安州又進圍定興先登有功從伐朝鮮譚泰率師入其城又從伐明葉臣自太平寨破青山口與明兵十三戰皆捷順治元年從入關逐李自成躡擊至眞定大破之敘功授一等公金聲桓叛江西授譚泰征南大將軍率師討之戰九江大破之下南昌等城擊

奉天通志

卷一百七十七

人物五 勳閥五 清四

十一

李成棟克信豐別將徇撫州建昌江西悉平進一等精奇尼哈番授吏部尙書世祖親政釐拜許譚泰附睿親王及營私擅政諸狀讞皆實未得以功名終清史傳

朱延禧 奉天人隸鑲白旗漢軍授輕車都尉世職順治元年從入關征姜瓖克復澤潞等處累加至三等男十一年隨征廣東僞晉王李定國擢副都統駐防福建康熙間卒賜祭葬盛京通志

上戎

貞祥

姓徐氏隸京都鑲白旗滿洲世居鳳凰城上戎充禮

部四譯通官隨世祖入關有功授京營總兵後平張獻忠凱旋陞兵部左侍郎加一等子爵子貞祥承襲滿洲副都統征青海有功敘加兵部尙書諡文達子立專祠鳳城縣志

索尼 赫舍里氏與兄希福同直文館賜號巴克什師尊從征界

藩棟夔天聰元年從上攻錦州有功命與阿珠祜齋諭飭責土謝圖額駙奧巴背約通明徵兵不至責以大義奧巴叩首謝罪世祖卽位索尼與譚泰圖賴鞏阿岱錫翰鄂拜六人誓輔幼主順治元年從入關睿親王擅政譚泰鞏阿岱錫翰皆背盟附之王與譚泰等怨索尼滋甚屯齊訐索尼與圖賴謀立肅親王奪官籍其家世祖親政復世職累進一等伯擢內大臣兼議政大臣總管內務府七年應召上言上飭議行世祖崩遺詔索尼與蘇克薩哈遏必隆鼐拜同輔政索尼故不慊蘇克薩哈顧見鼐拜勢日張內怵又念年老多病康熙六年遂共請上親政未卽允而詔褒索尼忠加授一等公卒諡文忠以第五子心裕襲一等伯法保襲一等公長子噶布喇領侍衛內大臣孝誠皇后父

奉天通志

卷一百七十七

人物五 勳閥五 清四

十二

也后崩推恩所生授一等公

清史十六傳

蘇克薩哈

納喇氏滿洲正白旗人父蘇納從太宗征錦州擊察

哈爾復從伐明攻鵬鶚長安諸嶺及昌平諸城五十六戰皆捷累進三等甲喇章京蘇克薩哈初授牛录額真崇德間從濟爾哈朗圍錦州有功累授議政大臣順治十年偕辰泰率禁旅出鎮湖廣劉文秀遣盧明臣分兵犯岳州武昌蘇克薩哈邀擊大敗之進二等精奇尼哈番擢領侍衛內大臣加太保聖祖立受遺詔輔政鼐拜以互易莊地興大獄戶部尙書蘇納海等坐紛更阻撓下輔臣議獨蘇克薩哈不對上因不允鼐拜卒矯命悉棄市因此居常怏怏上親政遂奏乞守陵寢鼐拜等誣以怨望卒坐絞鼐拜敗命復官及世爵以其幼子蘇常壽襲

清史十六傳

遏必隆 鈕祜祿氏滿洲鑲黃旗人額亦都第十六子襲一等昂
邦章京授侍衛崇德六年從上圍松山明曹變蛟夜犯御營遏
必隆與錫翰力戰殪十餘人變蛟負傷走論功得優賞從克薊
州進兵山東攻夏津先登拔之順治二年從勦李錦於武昌拔
鐵門關旋襲一等公授議政大臣擢領侍衛內大臣十八年受
遺詔輔政聖祖親政加恩輔臣特封一等公以前所襲公爵授
長子法喀初鼇拜矯旨誅戮大臣遏必隆不加阻亦不劾奏及
逮治鼇拜上念其爲顧命大臣且勳臣子宥其罪仍以公爵宿
衛內廷卒諡恪僖清史傳三十六

尹德 遏必隆第四子襲一等精奇尼哈番初自佐領授侍衛從

世祖征噶爾丹累擢領侍衛內大臣兼議政大臣雍正五年乞

奉天通志

卷一百七十七

人物五 勳閥五
清四

十三

休未幾卒諡愨敏尹德恭謹誠樸宿衛十餘年未嘗有過兼襲

圖爾格二等公歲祿所入以均宗族人皆賢之尋祀賢良祠清史

傳三十六
尹德作音德諡愨敬

圖海 字麟洲馬佳氏滿洲正黃旗人自筆帖式歷國史院侍讀

世祖嘗幸南苑負寶從顧其舉止以爲非常人擢內祕書院學

士遷宏文院大學士議政大臣李自成餘黨郝搖旗等嘯聚鄖

襄間康熙二年命圖海爲定西將軍副穆里瑪將禁旅會湖廣

四川諸軍討之屢破賊惟李來亨據茅麓山圖海圍之絕其外

援來亨死其下以衆降十四年命副信郡王鄂札討察哈爾布

爾尼平之陝西提督王輔臣以平涼叛應吳三桂命圖海爲撫

遠大將軍諸軍咸聽節制至則明賞罰申約束諸將請乘勢攻

城圖海曰仁義之師先招撫後攻伐用幕客周昌策招輔臣降秦地略定敘功進三等公世襲十八年還鎮湖南廣西平上命亟攻寶雞規取漢中興安定四川圖海乃厲師決策分四路進復漢中會降將譚宏復叛陝督哈占沂江討之詔圖海遙爲聲援二十年以疾徵還卒諡文襄太宗實錄成贈宮保兼太傅雍正初追贈一等忠達公配享太廟子諾敏襲歷刑禮二部尙書

蒙古都統

清史傳二十八

賚塔 那木都魯氏滿洲正白旗人康古禮第四子崇德時從伐明攻新城高陽霸州壽光博興並先登身中五創被賞賚授前鋒侍衛順治元年從討李自成追至慶都轉戰河南陝西頻有功移師江南下福建征廣東累進三等阿思哈尼哈番康熙十

奉天通志

卷一百七十七

人物五 勳閥五 清四

十四

三年耿精忠叛分寇浙江命賚塔赴援遣將擊走之進取建寧薄延平精忠乃降十八年授賚塔大將軍督滿漢諸軍自廣西入雲南討吳世璠二十年上以其自廣西入先諸軍至敗敵溫詔嘉獎章泰師自貴州至趙良棟師自四川至遂合圍賚塔軍銀錠山運礮至晝夜番攻世璠將余從龍降詢知賊糧將盡亟環攻世璠自殺雲南大定凱旋二十三年卒諡襄毅追授進一等世職子賚葉楞襲雍正五年追封一等公其孫博爾屯襲定

封號曰襄績

清史傳四十一 古禮即康果禮見考武

孫得功

孫有光

遼東人得功初爲明廣寧巡撫王化貞遊擊天

啓元年瀋遼失守清太祖圍西平堡化貞令得功同總兵祁渠赴援未至而西平已潰副將羅一貫死焉渠與祁秉忠黑雲鶴

李茂春皆歿於陣得功偕守備黃進千總石天柱等迎降命以游擊轄降衆駐義州敘功予二等男世爵年老乞休子有光襲爵任參將隸正白旗漢軍隨征明錦州中後所前屯衛率所部發礮破敵順治五年勦山西賊及姜瓖並有功晉二等子

孫思克 字蓋臣漢軍正白旗人有光次子順治十一年從軍自湖南下貴州雲南轉戰有功康熙二年擢甘肅總兵駐涼州乃修築邊牆首扁都口西水關至嘉峪關止分兵固守諸盜益敕軍紀簡將才戢兵安民疆圉敕寧十三年王輔臣以平涼叛應吳三桂蘭州亦陷總督哈占檄思克赴援遂率師進克靖遠附近諸城堡皆下輔臣將陳可等以鞏昌十七州縣降河東悉定乃會攻平涼輔臣乞降思克還涼州詔褒其功擢涼州提督進

奉天通志

卷一百七十七

人物五 勳閥五
清四

十五

三等阿思哈尼哈番三十二年噶爾丹爲亂命內大臣耶岱率禁旅出駐寧夏以思克爲參贊上親征駐蹕克魯倫河噶爾丹遁去費揚古督兵邀擊思克將綠旗兵居中與諸軍併力奮戰大破之詔褒諭召詣京師御製詩書筆以賜入對暢春園賜綏懷堂額命駐肅州卒諡襄武思克鎮邊久威惠孚治喪還自甘州至潼關凡道所經軍民號泣相送上聞之進世職一等乾隆四年定封一等男世襲罔替

清史傳
四十二

宜理布 他塔喇氏滿洲正白旗人襲父阿濟格尼堪三等伯恩詔進一等擢侍郎康熙七年調本旗都統列議政大臣大將軍勒爾錦討吳三桂以宜理布參贊軍務十四年寇犯南漳授宜理布討逆將軍與根特往援寇引退復犯均州宜理布督兵擊

走之旋命與范達禮等守襄陽均州與總督蔡毓榮擊張以誠等斬三千餘級十六年與穆占率荊州滿洲兵自岳州下長沙克茶陵克攸縣穆占令守永興三桂將胡國柱等來犯與哈克三督兵禦之力戰殞於陣諡武壯子阿什坦襲

清史十六傳

擴爾坤 薩克達氏滿洲鑲紅旗人父喜福任兵部理事官從征黑龍江征漢中皆有功從討姜瓖力戰被巨創卒予世職二等阿達哈哈番擴爾坤初授牛录額真從征貴州戰屢捷康熙初襲職遷參領擢副都統吳三桂反命率師駐防太原徙西安進駐漢中三桂將吳之茂犯廣元遣兵敗之之茂遣賀騰龍劫糧二郎關擴爾坤馳擊獲騰龍之茂復遣何得成犯廣元分兵擊卻之逐北三十餘里尋以七盤朝天諸關復陷詔還駐漢中擴

奉天通志

卷一百七十七

人物五 勳閥五 清四

十六

爾坤率右翼兵殿後三桂將彭時亨擁衆八千據險邀阻擴爾坤擊潰之且戰且行三晝夜次洋縣金水河七戰皆捷俄賊環逼力戰中創殞於陣事聞進三等阿思哈尼哈番子遜札齊襲

職官至工部尙書

清史十六傳

穆赫林 博爾濟吉特氏滿洲正藍旗人祖瑣諾木二等總兵官父僧格襲世職進三等伯穆赫林襲職康熙五年授滿洲副都統列議政大臣吳三桂反康親王傑書貝子傅喇塔討之穆赫林率所部喀喇沁土默特兵赴浙江會師從攻台州復仙居旋師福建駐守延平乘勝復邵武汀州二府及所屬縣十七年鄭錦犯海澄據高阜瞰城中礮石交下穆赫林與提督段應舉協力固守糧盡身負重創城陷乃與應舉自經死從子赫達色襲

爵詔與應舉並入昭忠祠

清史傳四十八

米思翰

李榮保

富察氏滿洲鑲黃旗人其先哈什屯積功授內

大臣議政大臣累進世職一等阿思哈尼哈番加拖沙喇哈番加太保卒諡恪僖米思翰其長子也襲職兼管牛彖授內務府總管輔政大臣從假尙方器物力拒之聖祖親政知其守正授禮部侍郎擢尙書列議政大臣十二年尙可喜等請撤藩米思翰與明珠議三藩並撤吳三桂反米思翰言賊勢猖獗非綠旗兵所能制宜以八旗勁旅會剿軍需內外協濟足支十年請以內府所儲分年發給復綜核各直省庫金倉儲以時撥運悉稱旨又請敕各督撫察所屬供應一切動官帑勿許苛派上命如議速行尋卒年甫四十三上深惜之諡敏果時三桂勢張耿精

奉天通志

卷一百七十七

人物五 勳陶五 清四

十七

忠尙之信皆叛議者追究主議諸臣上曰朕自少時以三藩不可不撤豈可諉過於人耶及事定猶稱米思翰不置子馬斯喀馬齊馬武皆另傳惟李榮保襲職兼管牛彖累遷察哈爾總管卒乾隆二年册李榮保女爲皇后追封一等公推恩進封米思翰一等公十四年以李榮保子傅恆經略金川功敕建宗祠祀三代並追諡李榮保曰莊愨

清史傳五十五

朋春

棟鄂氏滿洲正紅旗人何和禮四世孫遞襲公爵康熙十

五年加太子太保授蒙古副都統調本旗偕郎坦率兵至黑龍江覘羅刹形勢二十四年詔選八旗及安置山東山西河南三省福建投誠藤牌兵赴盛京朋春統之進勦羅刹師薄雅克薩羅刹額里克舍詣軍前乞降毀木城以歸二十九年命裕親王